

# SARS-TAKKE SAL OP SATERDAE OOP WEES IN OKTOBER VIR HULP MET INKOMSTEBELASTINGOPGAWES

**PRETORIA, 30 September 2019** - SARS-takke sal op Saterdag oop wees gedurende Oktober 2019 om belastingpligtiges te help met die indiening van persoonlike inkomstebelastingopgawes.

Om belastingnakoming makliker te maak vir belastingpligtiges, sal SARS-takke van 08:00 tot 13:00 oop wees op 5, 12, 19 en 26 Oktober 2019. Hulpverlening op Saterdag sal beperk wees tot:

- Indiening van persoonlike inkomstebelastingopgawes
- Hulp aan individuele belastingpligtiges om op die SARS MobiApp te registreer en in te dien.

Belastingpligtiges wat aan AL die volgende vereistes voldoen, word daaraan herinner dat hulle NIE 'n opgawe hoef in te dien nie:

- Jou totale besoldigingsinkomste vir die jaar, voor belasting, is nie meer as R500 000 nie
- Jy verdien inkomste van slegs EEN WERKGEWER vir die volle jaar van inkomste.
- Jy het geen ander vorm van INKOMSTE nie (bv. motortoelaag, besigheidsinkomste en huurinkomste, belasbare rente of inkomste uit 'n ander werk).
- Jy het geen ander bykomende toelaatbare belasting-verwante aftrekkings om te eis nie (bv. mediese uitgawes, uittree-annuïteitbydraes en reisonkoste).

SARS herinner belastingpligtiges om die nodige stawende dokumente saam te bring om frustrasie te vermy. Dit sluit in:

- Jou bankbesonderhede
- Jou IRP5/IT3(a)-sertifikaat/sertifikaat
- Sertifikaat [IT3(b)] wat jy vir enige beleggingsinkomste ontvang
- Besonderhede van mediese uitgawes deur jou betaal en nie deur jou mediese skema gedek is nie
- Mediese skema sertifikaat vir besonderhede van mediese skema bydraes gemaak wat nie op jou IRP5/IT3(a) sertifikaat/sertifikaat verskyn nie
- Voltooide bevestiging van diagnose van gestremdheid vorm (ITR-DD), indien van toepassing
- Uittree-annuïteitbydraesertifikaat
- Besonderhede van sakereise (indien jy 'n reistoelaag ontvang het of wil eis teen 'n byvoordeel vir 'n voertuig deur 'n werkgewer verskaf)
- Inligting oor buitelandse belastingkrediete teruggehou
- Finansiële state, indien van toepassing, bv. besigheidsinkomste
- Enige ander toepaslike materiaal met betrekking tot inkomste wat jy ontvang het of aftrekkings wat jy wil eis.

Belastingseisoen 2019 sperdatums vir die indiening van persoonlike inkomstebelastingopgawes is:

- 31 Oktober 2019 vir voorlopige en nie-voorlopige belastingpligtiges wat 'n SARS-tak besoek vir hulp met die indiening van opgawes
- 4 Desember 2019 vir nie-voorlopige belastingpligtiges wat eFiling of die SARS MobiApp gebruik
- 31 Januarie 2020 vir voorlopige belastingpligtiges wat eFiling gebruik.

Ons moedig belastingpligtiges aan om tesame reg te doen, omdat elke belastingbydrae help om 'n bekwame, demokratiese staat te bou wat volhoubare ekonomiese groei en maatskaplike ontwikkeling in die belang en welstand van elke Suid-Afrikaner koester.